

## Guía sobre as probas de acceso a 1º Curso de Grao Elemental <sup>1</sup>

Curso 2022/23

- PRAZOS E DATAS

No documento *Prazos e datas de interese do acceso a 1º Curso de Grao Elemental*, publicado na web do centro, poderase consultar a información ao respecto.

- DESENVOLVEMENTO DA PROBA

O alumnado será convocado en grupos reducidos, atendidos en todo momento por profesorado do centro, para a realización dos exercicios ao longo dunha única xornada por aspirante.

Os aspirantes deberán presentarse para a realización de cada exercicio provistos de documento identificativo (DNI ou libro de familia).

Co fin de orientar aos aspirantes con respecto ao desenvolvemento e contidos da proba, e para que poidan enfrontarse a ela coa maior tranquilidade posible, o centro ten dispoñible na súa web un vídeo titorial con exercicios prácticos similares aos que se realizarán na proba.

- CONTIDOS E CRITERIOS DE AVALIACIÓN

Contidos	Valor	Descrición	Criterios de avaliación
Aptitude rítmica	1/3	O aspirante deberá repetir un ou varios fragmentos rítmicos realizados con palmas polo profesor/a	Capacidade de concentración Memoria auditiva Exactitude na repetición rítmica.
Aptitude auditiva e vocal	1/3	O profesorado entoará un ou varios pequenos fragmentos melódicos que o aspirante deberá repetir	Capacidade de concentración Memoria auditiva Exactitude na afinación e corrección na repetición melódica.
Aptitude psicomotriz	1/3	Avaliaranse as aptitudes psicomotrices a partir da de escoita e visualización de fragmentos de percusións corporais que o/a aspirante deberá repetir	Memoria visual e psicomotriz Coordinación espazo-temporal Imitación psicomotriz pasiva e activa Coordinación dos membros superiores e inferiores, lateralidade e concordancia entre o ritmo sonoro e o xesto.

<sup>1</sup> **Lexislación aplicable:** Decreto 198/2007, do 27 de setembro, polo que se establece a ordenación do grao elemental das ensinanzas de réxime especial de música. Circular 4/2008 pola que se regulan as probas de acceso ao grao elemental das ensinanzas de réxime especial de música. Procedemento de admisión aprobado pola Dirección Xeral de Educación, Formación Profesional e Innovación Educativa o 23 de abril de 2013. Procedemento para optar ás prazas de reserva por minusvalía aprobado polo Consello Escolar en reunión do 8 de maio de 2013.

Ningún dos exercicios ten carácter eliminatorio. Os criterios de avaliación serán considerados tanto de xeito individual como globalmente no conxunto da proba.

- **PONDERACIÓN DA PROBA**

A proba valorarase sobre 100 puntos, ao que se lle sumará a seguinte puntuación en función da idade do candidato/a (anos cumpridos no presente ano natural):

<b>Idade</b>	<b>8</b>	<b>9</b>	<b>10</b>	<b>11</b>	<b>12</b>	<b>13</b>	<b>14</b>
<b>Puntuación</b>	20	15	10	5	3	1	0

A cualificación final será o resultado de dividir a suma da valoración da proba máis a puntuación que lle corresponde por idade entre 12.

En caso de empate numérico, será elixido o aspirante de menor idade.

- **SUPERACIÓN DA PROBA E OBTENCIÓN DE PRAZA**

**1ª ADXUDICACIÓN:** as prazas de cada unha das diferentes especialidades asignaranse segundo a cualificación final obtida polos aspirantes tendo en conta unicamente a especialidade solicitada no formulario de inscrición da proba.

**2ª ADXUDICACIÓN:** no caso en que unha ou mais prazas resulten vacantes, estas serán ofertadas aos aspirantes que superasen a proba pero non obtiveran praza na especialidade instrumental solicitada inicialmente. Farase mediante chamamento telefónico seguindo a orde establecida na lista de agarda xeral que se publicará para tal fin. Ditos aspirantes poderán optar por manterse na lista de agarda do instrumento inicialmente seleccionado ou escoller algunha das prazas vacantes de outras especialidades. No caso de optar por unha destas vacantes perderase o dereito de preferencia sobre a lista de agarda da especialidade inicialmente solicitada no formulario de inscrición da proba.

**3ª ADXUDICACIÓN:** unha vez rematada a matrícula de todo o alumnado e en función das necesidades e posibilidades do centro, poderanse ofertar novas vacantes en algunha das especialidades. Nese caso a adxudicación, que tamén se fará por chamamento telefónico, farase tendo en conta a lista de agarda de cada especialidade, no caso de non existir ou estar esgotada

seguirase a orde establecida na lista de agarda xeral. Esta adxudicación farase previsiblemente no mes de setembro.

- **PROCEDEMENTO PARA OPTAR ÁS PRAZAS DE RESERVA POR DISCAPACIDADE**

Na inscrición para as probas de acceso deberase acreditar a condición e grao de discapacidade mediante a documentación pertinente.

O centro adaptará o procedemento da proba ás circunstancias dos/as candidatos/as na medida das posibilidades. En ningún caso se adaptarán os contidos dos exercicios a realizar, xa que deberán ser iguais para todos os aspirantes.

A adxudicación de prazas por discapacidade non poderá superar o 10% do total das prazas ofertadas.

- **OBSERVACIÓNS**

O alumnado do centro que queira cursar outra especialidade deberá presentarse ao acceso nun curso diferente a 1º. Polo tanto, ningún alumno do centro poderá concorrer ás probas de acceso de 1º GE.

Calquera actualización ou modificación con respecto as datas ou ao desenvolvemento da proba que por indicación das autoridades pertinentes se deba realizar será comunicada aos aspirantes mediante publicación na páxina web do centro e/ou comunicación directa cos mesmos.